



Jón Sigurðsson, Teglstrupvej 5, Köbehavn

Bjarni Benediktsson – Jón Sigurðsson, Teglstrupvej 5, Köbehavn

Tekið af vef Borgarskjalasafnsins

bjarnibenediktsson.is

Einkaskjalasafn nr. 360

Stjórnmalamaðurinn

Askja 2-8, Örk 8

©Borgarskjalasafn Reykjavíkur

Jón Sigurðsson,
Teglstrupvej 5,
København Ø.

28. janúar 1946.

Kæri Bjarni.

Bestu þakkir fyrir skeytið. Því miður fannst mér það ekki vera fullnægjandi og hefi vonast eftir bréfi frá þér. En ég skil vel, að þú hefur í afar mörgu að snúast.

Ég hefi í dag skrifað þér sem borgarstjóra og beðið um ákveðið svar við, hvort bæjarstjórn vilji ábirgjast, að sjálfstæði og réttindi heilbrigðisfulltrúastöðunnar verði tryggð með lögum. Ég spyr, því svo virðist sem frumvarp til hinna nauðsynlegu laga-breytinga biði þess, að ég komi með tillögur um starfssvið heilbrigðisfulltrúa, - en áður en ég hefi kynnt mér starfið til hlítar og ég hefi tekið við stöðunni, finnst mér ég ekki geta komið með tillögur í þá átt.

Ef ég ætti núna að segja álit mitt á starfssviði heilbrigðisfulltrúa, þá yrði það þetta:

Heilbrigðiseftirlitið (yfirumsjón með -) með m.a. sjúkrahúsum og öðrum heilbrigðisstofnunum, barnaheimilum, skólum, íþróttahúsum, baðstöðum, samkomuhúsum, vinnustofum, íbúðum, gistihúsum, veitingastöðum, mjólkurbúum, brauðgerðahúsum, sláturhúsum, peningshúsum, allskonar stofnunum, sem eru til óþæginda fyrir nágrannana, vatni og frérennsli, matvælum og öðrum neyzluvörum (tilbúningi, sölu, flutningi og rannsóknum á þessum vörum (rannsóknarstofu?)), farartækjum, sörpílátum, þrifnaði á lóðum, eyðingu á rottum og öðrum meindýrum. Ennfremur yfirumsjón með allri heilbrigðispropaganda og öðrum ráðstöfunum til heilsuverndar, er bærinn kann að gera. (Ekki veit ég, hvað héraðslæknir segir við þessu, en hann mun auðvitað hafa áfram með höndum embættisstörf, umsjón og eftirlit með læknum, lyfjabúðum, ljósmæðrum, sjúkdómum og vörnum gegn farsóttum.)

Heilbrigðisfulltrúi ætti að sjálfsögðu að sitja í heilbrigðisnefnd og helst að vera formaður hennar. Staða hans ætti að vera undir yfirstjórn bæjarstjórnar eða bæjarráðs

Þótt mér sé það ógeðfellt, þá verð ég á þessu stigi málsins að tala við þig um eina hlið þess, sem sé flokkunina á stöðunni, og má vel vera, að þér mislíki það mjög og finnist ég vera að setja mig upp á háan hest o.s.frv., o.s.frv. Ef verksvið stöðunnar verður svipað því, sem ég hefi í mjög stuttu máli talið upp, get ég ekki skilið, að bara nokkurnvegin samvissusamur heilbrigðisfulltrúi fái tíma til aukastarfa, er teljandi sé. Er heilbrigðisfulltrúastarfið ekki ábirgðarmeira en starf skrifstofustjóra, byggingarfulltrúa eða verkfræðings af 3. gráðu? Og krefst heilbrigðisfulltrúastaðan ekki meiri menntunar en starf aðalbókara, yfirhafnsögumans eða yfirvélstjóra? Hefur bæjarstjórn ákveðið stöðuna mikið minni en ég hefi hugsað mér hana og lýst að framan, eða hvað veldur, að bæjarstjórn hefur ekki virt stöðuna hærri en hún gerir?

Ég veit vel, að það er ófínt og e.t.v. ódiplómatískt af manni, sem veitt hefur verið staða, sem hann sjálfur hefur sótt um,

að tala þannig áður en hann hefur tekið við stöðunni, og segja má, að ég hafi átt að sjá þetta fyr. E.t.v. myndu líka einhverjir líta á þetta sem þvingunartilraun (Davið gegn Goliát!). En því fer fjarri. (Bréfið er heldur ekki stílað til borgarstjórans Bj. Ben.!) Kringumstæðurnar eru aðrar en ég bjóst við, þegar ég sótti um stöðuna, og er hún talsvert yfirgripsmeiri en ég bjóst við. Þetta er lífstíðarstaða, og ég mun eiga erfitt með að setta mig við lífsstarf, sem ekki er virt meira en heilbrigðisfulltrúastaðan virðist vera virt. Ég tala um þetta við þig, af því að ef einhver von á að vera um, að stöðunni verði breytt til batnaðar, þá verður það sjálfsagt að ske núna í sambandi við vantanlegar lagabreytingar (sem ný staða með nýju heiti og í nýjum flokki?). Álitur þú, að bæjarstjórn muni fáast til þess?

Öll þessi óvissa með stöðuna, sem hefur gert mér það ökleyft að taka endanlega ákvörðun, hefur verið mér til mikilla kostnaðar og óþæginda, og verð ég að taka ákvörðun alveg á næstunni. Ég bið þig því, kári Bjarni, að svara mér eins fljótt og þú getur. Ég held áfram hjá bæjarlækninum hér, a.m.k. þangað til ég heyri nánar frá þér.

Misskildu mig ekki, en fyrirgefðu mér kvabbið.

Vertu alltaf blessaður

*þinn áhugur
Jón Sigurðsson.*